

Ka fao SARS e fetošitšego pego ya maemo a obamelo ya motšhelo ya phetišetšo ya ditšhelete moše

Tshwane, 3 Mei 2023 – Ditirelo tša Motšhelo tša Afrika Borwa (SARS) di lakatša go fana ka tshedimošo ya bjale ya mabapi le morero wa Maemo a Tiišetšo ya Motšhelo. Bjale ka ge Maemo a Tiišetšo ya Motšhelo a peleng a be a šoma go tloga ka Aprele 2016 gape palo e kgolo le bontši bja balefela motšhelo ba be ba kgopela ditiišetšo tša maloko a boraro, go akaretša Dialawense tša Dipeeletšo tša Naga ya ka ntle le Phalalo, go bile le hlokego ya go kaonafatša sešeme go gopodišiša le go šoma ka lebelo. Go tlaleletša, morago ga pego ya phedišo ya phalalo bjale ka kgopolo ya taolo ya tšhentšhano ka 2020, Panka ya Risefe ya Afrika Borwa (SARB) e tlošitše hlokego ya go dira kgopelo ya o šuthiša ditšhelete (kgopelo ya MP336). Se se dirile hlokego ya diphetogo go ditshepetšo le difomo tša SARS.

Sesteme ya go kaonafatšwa ya TCS e tsebagaditšwe ka la 24 Aprele 2023 morago ga dikamano le bagwebi bao ba dumeletšwego le SARB. E thekga tebo ya leano la SARS go nolofaletša balefela motšhelo go obamela. Gape e maatlafatša di tiišeletšo tša TCS go Mmušo, sektara ya praebete, le sekgoba sa molefela motšhelo ka noši, e ka ba ka boithaopo goba ka semolao. Mola go le bonolo go balefela motšhelo bao ba obamelago, go tlo thatafala go balefela motšhelo bao ba sa ikemišetšago go obamela. Sesteme yeo e kaonafaditšwego ya TCS gape e nepilego kaonafatša dinako tša ditirelo tša balefela motšhelo le bagwebi bao ba obamelago.

Tshedimošo ya tlaleletšo yeo e hlokegago go Kgopelo ya Tumelelo ya Diphetišo tša Ditšhabatšhaba (AIT), e dumelela SARS go kgonthiša gore metšhelo ka moka yeo e lefelwago e a phethagala, gape, ge eba go a hlokega, go šongwe ka go se obamele gofe goba gofe mo go hwetšwago ka tiišetšo le/goba oditi. Se se bopa karolo ya leeto la mpshafatšo ya SARS yeo e nyalelanago le maikemišetšo a leano la obamelo ka boithaopo.

Ga go TCS yeo e hlokegago bakeng sa diphetišo tša ngwaga ka ngwaga tša go fihla R1 million. SARS e na le kgopolo ya gore balefela motšhelo bao ba dirago kgopelo ya go feta ya ngwaga ka ngwaga ya R1 million ya kgoketšo e tee, ke balefela motšhelo bao ba hwirihwitšago bao ba nago le direkhoto tša poreisi ya theko ya dithoto tše dintši

tša bona. Se se akaretša dithoto tša mo nageng le tša naga ya ka ntle tša go se šuthe, tše di ngwadišitšwego/di sa ngwadišwa bjale ka dipeeletšo, dithoto tša krepto le kheshe ka pankeng magareng ga tše dingwe. Ge eba molefela motšhelo ga se mong wa thoto ya mohuta o itšeng, se se ka tlatšwa bjale ka lefela (zero) go thoto le karolo ya sekoloto sa kgopelo ya fomo.

SARS e phatlhaladitše tlhahli ya ka ntle ya go kwešišega go diphetogo tše di ka fihlelelwago go wepsaete ya SARS ya ka ntle ka go diriša kgokaganyo ya <https://www.sars.gov.za/gen-elec-08-g01-guide-to-the-tax-compliance-status-functionality-on-efiling-external-guide/>.

SARS gape e phatladitše tlhahli ya go kaonafatšwa go ya ka dinyakwa tša tokumente bakeng sa dikgopelo tša AIT tša balefela motšhelo ka noši yeo e ka fihlelelwago ka kgokaganyo ya <https://www.sars.gov.za/individuals/manage-your-tax-compliance-status/supporting-documents-for-obtaining-approval-international-transfers/>.

Go hwetša tshedimošo enngwe, ka kgopelo ikgoaganye le SARSMedia@sars.gov.za.

SEPHETHO